

宋本唐人小集

宋本唐人小集

盧仝詩集卷第二

靈山一龜銘

龜汝靈於人不靈於身致網于津吾靈於身不
靈於人致走于塵龜吾與汝隣

思主土梳銘

有髮兮朝朝思理有身兮胡不如是

小婦吟

小婦欲入門隈門勻紅粧大婦出門迎正頓羅
衣裳門邊兩相見笑樂不可當夫子于傍聊作
即斷腸小婦哆隄上高堂開玉匣取琴張陳金

疊酌滿觴願言兩相樂永與同心事我郎夫子
于傍剩欲狂珠簾風度百花香翠帳雲屏白玉
牀啼鳥休啼花莫笑女英新喜得娥皇

月下寄徐希仁

夜半沙上行月瑩天心明沙月浩無際此中離
思生上天何寥廓下地何崢嶸吾道豈已矣爲
君傾兕觥

贈徐希仁石硯別

靈山一片不靈石手斲成器心所惜鳳鳥不至
池不成蛟龍乾蟠水空滴青松火鍊翠煙凝寒

竹風搖遠天碧今日贈君離別心此中至淺造化深用之可以過珪璧棄置還為一片石

有所思

當時我醉美人家美人顏色嬌如花今日美人棄我去青樓珠箔天之涯娟娟姮娥月三五盈又缺翠眉蟬鬢生別離一望不一作見心斷絕

心斷絕幾千里夢中醉卧巫山雲覺來淚滴湘江
水湘江兩岸花木深美人不見愁人心含愁
更奏綠綺琴調高絃絕無知音美人兮美人不
知爲暮雨兮爲朝雲相思一夜梅花發忽到窓

前疑是君

樓上女兒曲

誰家女兒樓上頭指揮婢子掛簾鉤林花撩亂
心之愁卷却羅袖彈箏篴箏篴歷亂五六絃羅
袖掩面啼向天相思絃斷情不斷落花紛紛心
欲穿心欲穿憑欄干相憶柳條綠相思錦帳寒
直緣感君恩愛一迴顧使我雙淚長珊珊我有
嬌靨待君笑我有嬌娥待君掃鶯花爛熳君不
來及至君來花已老心腸寸斷誰得知玉階
歷生青草

秋夢行

客行一夜秋風起客夢南遊渡湘水湘水泠泠
徹底清二妃怨處無限情娥皇不語啓嬌靨女
英目  心恆長眉入鬢何連娟肌膚白玉秀
且鮮徘徊共詠東方日沉吟再理南風絃聲斷
續思綿綿中含幽意兩不宣殷勤纖手驚破夢
中宵寂寞心悽然心悽然腸亦絕寐不寐兮玉
枕寒夜深夜兮霜似雪鏡中不見雙翠眉臺前
空掛纖纖月纖纖月盈復缺娟娟似眉意難訣
願此眉兮如此月千里萬里光不滅

自君之出矣

自君之出矣壁上蜘蛛織近取見妾心夜夜無
休息妾有雙玉環寄君表相憶環是妾之心玉
是君之德馳情增悴容蓄思損精力玉簫寒悽
悽延想心惻惻風含霜月明水泛碧天色此水
有盡時此情無終極

走筆謝孟諫議寄新茶

日高丈五睡正濃軍將打門驚周公口云諫議
送書信白綃斜封三道印開緘宛見諫議面手
閱月團三百片聞道新年入山裏蟄蟲驚動春

風起天子須嘗陽羨茶百草不敢先開花仁風
暗結珠琲瑠先春抽出黃金芽摘鮮焙芳旋封
裹至精至好且不奢至尊之餘合王公何事便
到山人家柴門反關無俗客紗帽籠頭自煎喫
碧雲引風吹不斷白花浮光凝碗面一碗喉吻
潤兩碗破孤悶三碗搜枯腸唯有文字五千卷
四碗發輕汗平生不平事盡向毛孔散五碗肌
骨清六碗通仙靈七碗喫不得也唯覺兩腋習
習清風生蓬萊山在何處玉川子乘此清風欲
歸去山上羣仙司下土地位清高隔風雨安得

盧仝卷二
知百萬億蒼生命墮在巔崖受辛苦便爲諫議
問蒼生到頭還得蘇息否

冬行三首

蟲豸臘月皆在蟄吾獨何乃勞其形小大無由
知天命但怪守道不得寧老母妻子一揮手涕
下便作千里行自顧不及遭霜葉旦夕保得同
飄零達生何足云偶然苦樂經其身古來堯孔
與桀跖善惡何補如今人
其二
長年愛伊洛決計卜長乂賒買里仁宅水竹且

小有賣宅將還資舊業苦不厚債家徵利心餓
虎血染口臘風刀刻肌遂向東南走賢哉韓真
外勸我莫強取憑風謝長者敢不愧心苟賃載
得估舟估雜非吾偶壯色排榻席別座夸羊酒
落日無精光啞瞑被掣肘漕石生齒牙洗灘亂
相撮奔澌嚼篙杖夾岸雪龍吼可憐聖明朝還
爲喪家狗通運隔南溟債利拄北斗揚州屋舍
賤還債堪了不此宅貯書籍地濕憂蠹朽賈僕
舊相識十年與營守貧交多變態僕得君子不
利命子罕言我誠孔門醜且貴終焉圖死免慙

狐首何當歸帝鄉白雲永相友

其三

不敢唾汴水汴水入東海污泥龍王宮恐獲不
敬罪不敢蹋汴堤汴堤連秦宮蹋盡天子土魄
餌無由通此言雖太闊且是臣心腸野風結陰
兵千里鳴刀槍海月護羈魄到曉點孤光上不
事天子下不識侯王夜半睡獨覺爽氣盈心堂
顏子甚年少孔聖同行藏我年過顏子敢道不
自強船人雖奴兵亦有意智長問我何所得樂
色填清揚我報果有爲孔經在衣裳

常州孟諫議座上聞韓員外職方貶國

子博士有感五首

忽見除書到韓君文學官死生從有命人事始
知難烈火先燒玉庭蕪不養蘭山夫與刺史相
對兩嶺岿

其二

干祿無便佞宜知黜此身貧即猶小小國學大
頻頻孤宦心肝直天王苦死嗔朝廷無諫議誰
是雪韓人

其三

何事遭朝貶知何被不容不如思所自只欲涕
無從爵服何曾好荷衣已慣縫朝官莫相識歸
去老巖松

其四

力小垂垂上天高又不登致身唯一已獲罪則
顏朋祿位埋坑穽康莊壘劒棱公卿共惜取莫
遣玉山崩

其五

誰憐野田子海內一韓侯左道官雖樂剛腸得
健無武侯反功名生地獄禮教死天囚莫言耕種

好須避蒺藜秋

夏夜聞蚯蚓吟

夏夜雨欲作，傍砌蚯蚓吟。
念爾無筋骨，也應天地心。
汝無親朋累，汝無名利侵。
孤韻似有說，哀怨何其深。
汎汎輕薄子，旦夕還謳吟。
肝膽異汝輩，熱血徒相侵。

楊州送伯齡過江

伯齡不厭山，山不養伯齡。
松顛有樵墮，石上無禾生。
不認六尺軀，遂作東南行。
諸侯盡食肉，壯氣吞八紘。
不啣溜鈍漢，何由通姓名。
夷齊餓死

日武王稱聖明節義士枉死何異鴻毛輕努力
事干謁我心終不平

憶金鵝山沈山人二首

君家山頭松樹風適來入我竹林裏一片新茶
破鼻香請君速來助我喜莫合九轉大還丹莫
讀三十六部大洞經閑來共我說真意齒下領
取真長生不須服藥求神仙神仙意智或偶然
自古聖賢放入土淮南雞犬驅上天白日上昇
應不惡藥成且輒一丸藥暫時上天少問天地
頭蝸尾誰安著

其二

君愛鍊藥藥欲成我愛鍊骨骨已清
試自比校得仙者也應合得天上行
天門九重高崔嵬清空鑿出黃金堆
夜叉守門晝不啓夜半醮祭夜半開
夜叉喜懼動關鎖鎖聲掣地生風雷
地上禽獸重血食性命血化飛黃埃
太上道君蓮花臺九門隔闊安在哉
嗚呼沈君大藥成兼須巧會鬼物情
無求長生喪厥生

寄蕭二十三慶中

蕭乎蕭乎憶蕭者嵩山之盧盧
楊州蕭歙州相